

天方至聖實錄

天方至聖實錄卷之十六

感應補遺

吾聖感應萬端不能悉紀前篇所載年月可考其有年月無考而歷見于經傳者補附於後

總夕照

戰陣誤哺禮日已下地聖亟跪地禱曰主也若爾慈憫衆生事當若何日忽躍起高地竿哺禮畢日落

金剛經

聖人初行時有外道難之曰果爲天使必有  
奇徵聖人曰吾道以常不事奇異衆愈戲難  
之曰必令月破吾人乃服聖乃默祈于主月  
終而分衆謬之曰衛也迨至遠國馳驛報異  
衆乃歛服

星現

吾聖生時天現異星天下見之占奇識異而  
來朝者以萬計聖人歿星隱

# 夷火熄

夷火者、拜火人所之熾火也、正當熾火時、聖  
人生、倏皆熄滅、

# 萬匯中流

天下四海居大地之四圍、有中海居大地之  
中央、卽墨克海也、中海之流恒流于四方、而  
中海恒滿而不竭、聖人生、四方之海皆會  
貫于海中、而中海如常、亦不溢、此聖人生而  
萬國來朝之象也、

# 天下毀佛

自吾聖生天下知佛像之無益毀淫祠除佛像沙汰僧尼者不可勝數

## 縱麀

麀爲士獵訖于聖曰有乳麀待食乞還哺之再至聖人曰信乎麀矢之曰決不失約也縱之果如期而至聖嘉其信復縱之

## 徵鳥

外道人不服聖化詰之曰天差何徵而爲天

差時有飛鳥啣金箋落地視之有穆罕默德  
是主欽差之文

### 樹證

聖旅次見途人奔遽呼而止之曰行何遽對  
曰還家聖人曰如此之遽奚可以還家途人  
悟請曰必如何而可以還家聖人曰念清真  
言還家矣汝云萬物非主惟有真主穆罕默  
德是主欽差途人曰是亦有徵乎聖人曰是  
物皆徵也側有樹忽作吟哦聲曰直躬作甫

真主欲差三遍途人驚倒伏地願服教

# 樹行

一士未信聖之爲天使而問徵聖人曰汝語  
溪邊某樹天差呼汝士忍不言樹忽搖動裂  
土而起根鬚蹀蹀若人行至聖前作色喇目  
聲聖命退樹歸原所士大駭卽下聖止之曰  
勿勿人不與人叩頭也士曰莫尊于天差矣  
聖人曰天差真主之奴也人人皆真主之奴  
類與類不施其尊尤至尊乎額也者人身至

尊之位也。只可以奉至尊之主。奚可施於同  
倫。若其可施。則婦可施之于夫。子可施之于  
父。臣可施之于君矣。以有至尊之主。在故均  
未可也。士曰。然則卑之于尊。何以爲禮。曰。以  
口親地。親門庭。親足。親手。以等以異。士乃以  
口親聖足。依依服教。

### 枝垂護體

聖野園樹下。羣枝委地。互結若編籬。遮護聖  
體。

地裂吞垢

聖每遺垢地自裂吞之復掩

聚穗證

野人聞聖德進聚穗曰敢問天差之證聖人  
曰卽聚穗可證也聚穗忽吐人言曰我證委  
實爾穆罕默德是主欽差野人驚倒入教

狼證

默底納之野狼奪羊去牧人追之狼拒羊于  
壘巔呼曰主賜予祿爾來奪耶且爾一羊不

可失兩世之真人而不知奉耶牧人慌怯歸  
城告于聖聖曰禽畜如此爾無知耶牧人遂  
服教歸計其羊狼奪者仍在

### 山石草木讚頌叩頭

聖人行門弟子從之隱隱聞忒思比合聲讚  
誦聽之乃聖手握砂子也傳之補白克仍  
傳之厄納思聲止矣傳之歐墨爾歐思茫  
手復頌不輟

爾里從聖行于墨克之郊見山石草木皆與

聖印。頭道色關。爾里驚怖聖慰。

之曰萬物皆讚爾不知也。

遊克爾白際。立石與聖叩頭。道色關。朝覲人

歷歷見聞。

阿以涉曰。一切山石草木。俱與聖道色關。吾

歷歷聞之。

查必爾曰。一切山石草木。俱與吾聖叩頭。吾

歷歷見之。

## 山鼠證聖

聖坐于門人會館。有獵者攜山鼠入。指聖而

問曰、是爲何人、衆答曰、真主欽差也、獵者嗤

之曰、指蹤踢汚襪、

二活佛名

爲誓、吾決不信汝爲

天差也、山鼠忽吐人言曰、予爾應答、予爾慶

幸、爾乃聰明歷練之人、聖人曰、吁、山鼠疇爾

屬之、山鼠對曰、寶闕在天、法令在地、道行在

諸海、科責在人、賞在天、罰在地、禁者、吾其

屬之、聖人曰、予爲何人、山鼠對曰、真主欽差、

萬聖領袖、信爾者昌、謬爾者亡、獵者聞竟大

驚、伏地請罪、遂服教、并縱鼠、

駝羊叩首

聖遊于士圖、駝與之叩頭、士亦叩頭、聖禁之、曰、人不與人叩頭也、

補白克見羊與聖叩頭、曰、羊且知禮、弟子至合爲之、聖人曰、佛人爲萬物之至尊、同類不相叩頭也、吁、補白克汝知人額之尊貴乎、曾嵌吾元形之寶光、曾受諸天神之叩首、斯真主寶鏡之臺也、

歐墨爾曰、兩間之物莫不與聖叩頭、以莫不

知聖爲天使故聖人之駝必先叩頭然後負  
乘○聖駝所至處山獸畏之○聖人歿駝不  
食不飲繼聖而亡

### 鵠編棚

聖開墨克日萬鵠盤旋于空中入城時編翅  
爲棚日脯乃歆

### 愈病

胎瞽求明聖爲代祝遂明并能視物于夜  
一士病渴使人求治于聖聖撮土和以唾津

授之使竊笑其戲病者信而啖之愈笑者倏  
得渴病死

哈比卜目病至瞽黑睛全白聖憐之名至以  
氣吹之白睛轉黑雙瞽復明年逾八十而能  
穿針

庫立蘇本吳侯地征胸膛中箭聖以唾津塗  
之愈瘡疾俱除

海北邇徵賽里墨毒箭中脛命危聖以氣吹  
之安

宰篤足被劍傷聖吹之愈

濠徵爾里脛折不可下鞍請聖吹之愈

爾里嘗病一日病不能起聖臨視爲之祝曰  
主也治之安之旋以足蹴之爾里應蹴而起  
無復再病

穆爾與空白得爾徵被厄卜折害斬手絕提  
手見聖聖以唾津粘之手續勇力益甚  
何比卜白得爾徵遭劍削肩膊半身皆廢聖  
以手撫之愈每禦敵爭先壓衆

一婦携子至訴曰若子暗啞聾瞶妾無所托  
聖取水盥漱而飲子以手撫其胸抹其面子  
忽朗誦清真言服教聰明逾衆多學皆通  
一婦訴子顛疾聖以手抹其腹俄吐物如犬  
羔疾痊

一士欲隨征手掌有肉瘤不能執劍并不能  
提繩訴于聖聖以手掌合之瘤滅無踪  
阿必得被擊頭破血流訴于聖聖誦都阿吹  
之血跡無頭亦整面光如滿月

韓作勒頭瘋痛甚聖以手摩之痛止

民有痲瘋居人惡之欲去其國聖憐其貧而無處以沐水遺之沐浴而痊皮膚粉嫩如少女

癩疾久不愈者乳兒驚瘋諸醫不治者得聖吹而愈

一士癰瘋遍體得聖沐水抹之全無

阿以涉患頭痛聖以手摩之愈

一人夜行着邪魅聖命沐浴虔誦清真言數

通而愈

起

一外道其女落澗而死告于聖人願服聖教而救女聖問其女名呼之女應呼而至咸服教

一少年亡既殮且殯有兄瞽痛悼甚奔訴于聖曰吾弟方欲遷信服聖教不幸早亡瞽無依聖爲之祝尸忽躍起頂棺而出解殮而索食兄弟咸服聖教

查必爾二子戲于高臺、兄戲殺弟、死、兄驚跌臺下、折頸亦死、時查以餉聖軍故、匿之、迄聖至、供饌、聖命二子陪食、查托以出、戲聖人曰、不得二子、誓不食、夫婦號痛、告以故、聖慰之、曰、母悲命其母呼之、二子應呼而至、嬉戲如常、陪食焉、

一士陣亡、母老無養、悲訴于聖、聖命覓尸至、捧手告祝尸、忽躍起、如寢興、

酒必惕亡于蘇馬、默征既葬、砌門已、忽穴內

有聲曰、穆罕默德天使哉、補白克忠信哉、歐  
墨爾捨希德哉、歐思茫在右、獨慈之主哉、急  
啓門視之、仍寢也、

宰篤卒于默底納之野、盤載歸城、諸婦號痛  
哀泣、忽聞櫬中有聲曰、真主欽差萬聖領袖  
生而知之大聖也、所言真、所行實、四配之繼  
立襲位盛矣哉、吁、吾不能目視其盛矣、吁、天  
差色喇目在爾、慈憫吉慶在爾、急啓櫬視之、  
尸已僵、

# 落髮驅魔

哈立德爲逆魔魅、取聖落髮三根、藏帽中、邪魅祛、到處逆人畏之、較先勇加十倍、

## 衣物除疾

聖後世人取其食器、如碗盞之類、盛水飲、可愈一切病、

補白克文、藏衣一襲、曰聖服也、凡病醫藥不効者、取衣服之、或以水濯衣而飲其水、或以水抹其疾、卽愈、

聖甘泉井

聖聖落厄納士井甘列冠通國

參參泉素稱清冽聖聖落井遂發甘香以之  
和藥無病不治攜之涉海遇颶卽息祛邪僻  
毒見効實多

或人以聖沐水傾古巴井中永不竭

聖過苦泉欲取水衆啓曰苦水也聖曰否甘  
泉也汲之果甘香無比

餒療饑渴

偶階立子曰、聖飲麪湯、吾乞其餘而飲之、每  
一念及、饑時則飽、渴時則消、

### 折枝化劍

歐喀舍曰、德爾征劍廢、聖取片木予之、斬將  
奪旗、對敵殺虎、無不如意、

哈哲實劍失、聖予以棗枝、忽化爲劍、利勝寶  
錢、

### 遺木爲燈

格他得從聖夜行、畏黑、聖人曰、從吾則不悞、

明日授格他得寸木曰佩之入夜可當明燈祛邪辟惡佩之果然

### 手嫵爲妍

格他得貌醜人惡見之聖以手抹之遂丰麗異常后宰納卜色較諸后爲差恥不先事聖以沐水醮其面遂成絕色

爾體白體臭每事過後聖命以其沐水抹之遂發異香終身不改

### 指羸成壯

駝牛羊馬凡經聖手摸過卽肥壯超羣飽乳  
蕃息聖遷默底納路途乏食乞羊乳于老嫗  
嫗對曰旱荒羊不得飲無乳聖指簪下曰若  
羊有乳也嫗笑而唾之曰是羊數日不食羸  
極矣聖曰汝試取之羊忽跳起乳囊滿欲滴  
是羊活十八年肥壯稱異蕃息數萬

### 餅敷藥沐

唐代比葉微拜時至而無水僅得一餅奉聖  
聖以沐訖傳餅查必爾沐訖復命查必爾以

餅各營傳水，千五百人俱得沐，而餅水如故。  
指灌全營。

全軍無水，不能炊。聖命各營取器，至聖以指  
納器中，旋得滿溢，分灌不竭。及起營，眾水全  
收。

### 升麥餉千人

濠征時，有士欲餉聖軍，止升麥隻羊，或告于  
聖。聖命治饌烹羊，俱存釜中。伺聖親餉，千軍  
俱得飽食，而釜饌盈滿如初。

# 襄賚足三軍

軍旅行急不暇炊且饑甚聖命士取賚襄沿途馳送探襄取給三軍飽食

## 命地棄尸

有書吏盜器入逆死聖人曰若人也地不掩尸既葬地隨棄出信至厄卜脫里合往視之暴于地問土人對曰葬數次而地出之也爲狼狗盡

## 折杖自斃

歐思莊執杖逆人奪取屈膝折之衆驚叱之  
曰此聖人杖也逆譁笑而去俄而足脛浮腫  
至絕而死

天方至聖實錄卷之十六終

大方至聖寶錄卷之十七

滇南馬 注著

金陵劉 智註

至聖讚

有天地而後萬物生有日月而後天地曉有聖人而後教化興

此言聖人與天地合德與日月合明而與天地日月同功也以實言之生聖人卽以補天地日月之不逮也天地日月形其表聖人神

其理者也

隋唐之際異端蠭蟬鳴羽西方紀綱廢而尊卑  
倒置主折節於闡教道衰而真傳隳編民稱  
尊乎釋梵

蠱口蜜芒毒蝟內汚外刺蟬鳴鼓翅驚人皆  
喻異端邪說之不可近也自異學行而正學  
衰弱人綱國紀顛倒混亂君君臣臣父父子  
子之道不可問焉以故君親反拜貴賤瀆倫  
庶民止知有佛而不知敬畏天命大人矣

普天長夜目瞽耳聾賢愚爲之失路仙神爲之  
靡依日月爲之失明乾坤爲之減色

異端一熾聖學不明雖有天恩不足以位尊  
卑雖有日月不足以爲明照是非顛倒人心  
惑亂莫之適從矣經云聖人者天地之澄其  
闡此歎

世亂紛爭罔知共主

周代八百諸侯皆各主其主而不知周天子  
爲天下之共主也諸家禮天敬地拜佛祈神

而不知敬事造化天地神人之主爲真主亦猶是也

大哉聖人命立天地之前挺生萬聖之後

天地未有之先萬理具足而吾聖之命爲萬理之根原天地旣形之後萬聖代出而吾聖爲萬聖之封印所謂集大成也先天而天弗違後天而奉天時其在此歟

泥丸毓秀仙樹登名

天地初闢人祖肇生額嵌寶光卽吾聖之元

形也。普世之人皆始于一點，所謂種子也。此百千萬億點皆藏於阿丹之脊背，惟吾聖之一點嵌于阿丹之額頂，所謂泥丸宮也。傳曰：普世之人根于普地之土，吾聖之元形乃天堂之香泥也。天堂有樹，廣大無量，枝葉婆娑，葉皆著吾聖名號，而天堂諸有皆頌讚之。

感神光於鼻祖，肇元命於先天。

鼻祖阿丹爲開闢天地之祖也。傳曰：惟鼻孔先開，以喻阿丹也。人懷母腹中，諸竅皆閉，人

祖初生遊歷諸天見天額云穆罕默德是主  
欽差不知其爲何世何人真主勅命曰乃爾  
之子孫萬聖之領袖也阿丹思見其人命下  
曰降汝當體有其元形舉指可見阿丹遂舉  
食指額上泥丸之光映於指甲而于甲鏡之  
中見聖光焉元命者萬命之元卽先天萬理  
之根原也大哉乾元至哉坤元資始資成之  
謂也

聖哲天縱鍾靈異於初生

吾聖生而神知不學而無所不通初生卽掩  
面遮羞躬叩真主口呼教生執印取倫讚主  
頌名行禮尙右不嬉不戲不近佛室不觀祭  
賽孩提時儼若成人

### 卷七 神音兆祥光於東土

漢文帝時天見異星太史占之曰西域有大  
聖人出使使求之聖使鎖哈白偕使來東敷

建懷聖光大寺於番居之

番州廣東省城

動星辰犯火水會百川而中注

吾聖初生，妖星亂墜，夷火乍熾，夷火者，拜火人所熾之火也。正當熾灼，聖人生，倏皆熄滅，人不知其故也。天下有四海，居大地之四圍，有中海，居大地之中央，中海之水，恒流於東西南北四方。當吾聖生時，四海之流皆中注，萬海朝宗之意也。

### 崩帝闕殛象兵驚鬼神以夜號

聖初生時，啓思喇王之宮殿崩塌，啓思喇無道君也。後因不信聖教，遭神殛死，此先兆也。

厄卜爾海北涉王之逆族也欲毀克而白以  
象兵來勢甚凶湧真主命小鳥啣沙子擊之  
人象俱死正當聖初生際也時天下邪神惡  
鬼聞聖人生咸驚泣夜號相謂曰大明獨世  
不應不能爲用矣

佛倒塑證聖天符

聖人生天方之佛像倒撲於地遠譯之佛像  
祈禱無靈凡稱活佛者皆啞啞失智一切術  
數占卜之事皆凶吉成毀反常無應當此之

時天下萬國皆毀淫祠廢佛像驅逐僧尼道士知其無所用也聖人之生應天順時與古經所載之年月日國土名籍及一切祥徵瑞應無不符合是以古今稱之爲聖天下服之爲聖卽聖亦不得不自任之也

光瑩靈雲頂覆

吾聖胸臆之間生有肉阜如印蒼質赤文曰奉天闢化見者莫不傾服其爲聖行止之際有白雲覆頂人亡其處視白雲卽得

香馥馥以侵衣、蠅脩脩而避體、

吾聖身發異香、透體襲人所到之處、留香三日不散、蠅不近體、蓋蠅不歇至潔處也、更畏馨香、

若夫廻父照分圓月、感萬衆以輪誠、

戰陣悞哺、禮日已入地、聖亟跪禱曰、主也、若爾慈憫衆生、事當若何、日忽躍起、高地三竿、逆寇難聖曰、若道果真、月可破乎、聖默祈於主、月忽兩開、良久乃合、由是千萬人感服願

教

歷幽明親對越登九霄而直上

九天七地之所在。有色界。無色界。無無色界。聖於一變之際。遍歷無遺。亘古通今之事。已往者。未來者。現在者。今世一切所有。後世一切所有。賞罰善惡。以至萬有歸復之竟。聖於一頃之時。脩覽無漏。而于九霄之上。對越真主。親聆妙諦。凡一切禮制威儀。垂萬世而不易者。皆于此際定焉。識者曰。聖人登九霄而

見主猶寶鏡出匣而爲照也非主在九霄之上也主無方位也

# 懸石作千年之證惡魚杜衆庶之疑

吾聖登霄乃由古天房踏石而上石隨足起棄石而登石遂留於空至今不墜見之者莫不鰲鯨不敢過其下留以作登霄之一證當時聖登霄還述其所歷所見士有疑者謂一霎之間何得遍歷如是事多歸第見婦剖魚取水河邊俄變爲美女會王子獵取之歸十

餘年生數子富樂極矣偶憶往事倏復原形  
號赴河邊水器仍在亟提水歸婦尚烹魚未  
熟大駭趨聖聖尚講登霄之事未竟舉其所  
歷聖命記之以作登霄所歷之一證補白克  
先賢曰聖人之事一瞬千秋萬古一久安可  
與衆同語聖人曰真主尊前無晨夕也

### 大道於是方興舊人因之始悟

自爲聖至登霄近十二年其立教行事之禮  
制尚未大定亦未盛行迄登霄而後則人心

大定教道風行、遠國之人多來歸服、何也、于  
古未見之事、於登霄見之、千古未明之禮、於  
登霄明之、愚人不可以言解、而智者復難以  
理謾、故聞登霄之事、不能不心折而順服也、  
大哉聖人教闡于聖之後、道徹天地之原、  
弗赫國王行二氏教、遣使謁聖、問造化根原、  
歷代因革、答之曰、萬化起於真主、萬教歸於  
末聖、王大服、曰、聖人教闡千古之後、道徹天  
地之原、

若夫受真經遵明命擁天仙而服鬼神統御三

才而爲聖非自居非人稱非徽號乃真主之  
明命救之以經書代主立極者也故能統御  
三才而在天之神在地之祇人世之帝王臣  
民莫不仰瞻而遵順之

作之君作之師奉天討以正羣逆明幽兩濟

凡聖人有德而無位則不能專征伐帝王有  
位而無德則不能興治教吾聖則德位兩全

聖人之德能幽贊乾化而不能明治愚頑帝  
王之威能明伏豪強而不能幽制神鬼吾聖  
則明幽兩濟

### 明徹高厚化及蠢靈

此總結統御三才明幽兩濟之義感通之理  
畢見於斯矣

### 感毒羊之異蛛羅擁白帝之軀

海北邇虜婦以羔羊入毒供聖羊忽吐人言  
曰天差勿取吾染毒矣執婦殺之遷默厥

作放麀之憑鳥啣篆真人之牒

逆寇追急、潛入洞中、蜘蛛遂結網洞口、寇至、見蛛網、遂不入、隋文帝稱吾聖爲白帝真君、士微得麀、麀告於聖曰、有乳麀待食、乞還哺之、再至、聖人曰、信乎、麀誓曰、必不失約、縱之如期而至、聖嘉其信、復縱之、麀曰、天差執一而失三矣、執愛失吾約、失士祿、失吾生成之義、聖乃命決于士、士曰、來斯信矣、吾體聖愛而愛捨之矣、真主造爾、豈爲我食耶、竟縱之、

有外道不服聖化難之日天差亦何徵而爲  
天差俄有鳥啣金牒落下有穆罕默德是主  
欽差之文

### 化洽人神誠感鳥獸

此又總結感化萬物之義吾聖晝勸人夜勸  
神神之奉教亦猶人之奉教也

### 大哉聖人道傳千聖之宗忠竭萬天之主

列聖相承傳其爲教之儀制而宗旨在其中  
宗旨者何萬行歸一是其所奉之主也然而

賢知愚不肖不明主爲何物各用思維不免  
過與不及之病惑於異端邪說吾聖教人先  
認識造化天地之主而一切禮制功夫俱從  
主起諸家竭忠於天地神人而不明造化之  
主異端邪說乘其虛疑而入迷於鬼怪妖魔  
之妄吾聖教人竭忠于造化天地神人之主  
凡主之所造者絕不與事則無疑矣此吾聖  
之教所以歷遍天下而不易垂之萬古而不  
移者蓋有由矣

感格牙之異二百年母子重逢

聖世之前密速爾國王排路格牙初卽位閱  
庫有庫封錮甚密發之內有櫃櫃有匣匣有  
古經一冊脩述末世聖人穆罕默德之出籍  
德性卽辭母棄國求聖於四方遍歷海山不  
得二百年方歸及歸見故國之風景如舊而  
母子相見叙往事如昨

破泥法之惑七千人心脫誠服

二氏首領你法格尼嫻熟四教經書通古金

之學率七千人以問難來千問千答咸歸服

聖教

另有千問錄

見祥星於天闕望紫氣而識所生

聖世天見異星普世見之占之知天方有聖  
者出皆載寶來朝朱乎得忒爾撒兩教學人  
見星皆驚曰末世聖出吾教不能久立矣皆  
欲謀殺之聖初生時紫氣祥光覆蓋宮室識  
者見之曰此貴聖生矣

落明月於宮懷盼白雲而知所處

聖后赫底微初爲女皇時、慶月落懷中、占者  
曰、當有真聖人出、合配之、聖自初生、卽有白  
雲罩頂、隨其出入、人見白雲、卽知聖之所在、  
照臨之下、影不留塵、覆載之中心、非住世、

吾聖立日月之下、光勝兩耀之明、故無影、若  
曰、聖卽光也、光無影也、聖居塵寰之中、而心  
遊物象之表、故無住、若曰、聖卽天地之本然、  
也、本然無住也、

嗔氣於醜墓、掩塵埃於朽骨、

爾里烈法土默於聖、聖諭爾里曰、爾去某處、見物卽食、爾里往見一墓、醜甚惡之、不得已而啖之、覺甚美、歸復聖、聖曰、卽爾之怒也、初啖爲艱咽之爲美、拂意之事、莫美於忍也、鎖哈白郊行、骨刺足中、痛甚知爲罪罰也、請戒于聖、聖以手拂之、出其骨、大如麥、命以金兌之多金、莫能重、奇之、復命以星土加骨上、兌之、遂重、愈奇、請解、聖人曰、人之生也、貪得無厭、使土掩之、貪心息矣、

# 吝瓜分棗割帳解衣

譚地進瓜，聖割食之，使出衆士，請曰：「天差，每食必先衆，今也則否，何故？」聖乃分其餘與衆，味甚苦，棄之。聖人曰：「若彼時與爾衆，必愧來人矣。」是瓜味苦而益廣也。鄉人進新棗一枚，聖以分四十餘人，皆得滿口。乞丐告寒，割帳予之。又丐至，解衣與之。迨至拜時，不能赴寺，天敕戒之云：「勿過展手，懼念廢政。」

若其來樹影湧拍泉道，括天地之機。

聖野園名樹陰蔽體樹卽移至若人行聖行  
旅無水軍士告急聖以指納器中水卽湧注  
如流泉凡若此者來去有無悉聽其呼應非  
道括天地之機者孰能之

起亡命息刑塚誠回真主之怒

有士陣亡母老無義號訴於聖聖命覓尸至  
捧手告祝尸忽躍起如常閉濠日有鎖哈白  
查必爾思欲犒軍而不能聖覺其意召至曰  
得汝所有卽足吾軍對曰僅得一羊升麴聖

喜曰足矣、可烹羊治餅、母啓餽、釜俟吾來自給、其婦忙於治饋、有二子戲於月臺、見父宰羊、亦爲戲、宰兄宰弟死、其母以匙兄驚撲臺下、折頭亦死、其母以饗聖故、欲隨之、急抱二尸入房、掩衾下、聖至、自取饗軍千二百人皆飽、飡而釜餽盈滿如故、後舉饌獻聖、聖曰可呼二子來陪查、必爾遍覓子不見、聖人曰不得二子、誓不食、婦乃悲號告故、聖人曰試呼之、必來也、二子應呼而至、絕無傷痕嬉戲如

初聖過荒塚，倏止步，捧手默視，良久欣然而去。弟子問曰：「適塚中行刑甚慘，吾不忍見之，因求主赦止形矣。是以樂之。凡若此者，生，死則赦，悉隨其操縱，使非手握造化之權者，孰能爲之？吁！噫！聖人之事大矣哉！」

大哉聖人救災災於御間，熄獄焰於長橋。

吾聖愛民慈衆之心大也。今世拯民於水火，去諸迷途而歸正道，後世救人於火獄，脫離罪業而享天堂，當公判賞罰之時，而能顯延

告赦使立烈日炕炎之下者得蒙陰蔽而獲  
清涼趨長橋火焰之上者荷其遮掩而得安  
渡至於千古聖人帝王當御問之時幾橋之  
際莫不告庇於吾聖以保安寧焉

仙神稱頌庶類瞻依

天地神祇無不稱頌其德靈蠢物類無不瞻  
依其化先天地頌其開化之功能中天地頌  
其德教之廣被後天地頌其仁慈博愛之恩  
榮而先後天之一切理象人物莫不披其光

明而得正路後世之一切功過賞罰莫不賴其提掖而獲超昇吾聖之事大矣哉

孰謂能文愈云天授

吾聖生而知之不由學習天賦能文不施詞藻吐辭爲經舉足爲法天下古今文人才子未能與之匹也

子曰人子普頌欽差

經曰穆罕默德非爾人父也第爲真主欽差也又曰予差爾何爲慈憫普世也時人見吾

聖人土無父母、下無子嗣、根系皆絕、共爲護  
之、真主降敕以曉之、若曰、聖人之事、不可以  
凡等例也、凡人皆根系於祖父、吾聖則根系  
於真主、凡人以子嗣爲繼後、吾聖則以天下  
之遵道者爲繼後也、

### 道不吾行、棄墨克之溺土、

墨克人陷溺於異端邪說、不行聖人之道、聖  
人因奉命棄墨克、而遷默底納、道乃大行、

德猶可眷採、几杖於棗、

聖初至繁底納講經說法依棗樹下既而起  
建寺宇設立諭臺則乘高講諭而棗樹夜泣  
流液聖喻其意乃斷棗爲杖登臺拄之

### 恩隆六貴遇有生之列聖

真主以六事貴吾聖人從古列聖未之有也  
一以普地爲淨土是處皆可禮拜不必拘於  
一處一寺二以捫土代沐浴凡不得水者或  
不能用水者捫土爲淨三普天率土遵其教  
化至於永世無庸改革四贏財爲義

贏財俗  
曰橫財

五不須威怒而遠譚畏服六獨得真主隆愛之厚容其救度古今聖凡至於天地神祇無不仰企其庇佑有此六貴故能卓越千古而永垂萬禩也

### 金井三囑傳玉液於時王

金井聖塚也聖辭世之後數有遺書見於塚上遷都之九百年一見一千年再見一千又八十年又見凡三見矣書義以忠主恕人爲吃緊而以禮拜爲至要也聖陵在默底納塚

上有湯瓶。天生祖母祿寶石爲之。每日五時。未禮拜前。瓶水自滿。時過則瓶水竭。每日如是。至今如是。曾密國帝王以此感應而順教焉。

佛兩世之首領爲萬天之模範。

兩世或謂理世。象世或謂今世。後世蓋吾聖在理世爲萬命之元首。在象世爲萬聖之領袖。在今世爲道統之宗師。在後世爲主闕之先領也。萬天卽萬世。吾聖之教乃天下萬世。

之模範凡爲教者類於吾聖之教則正背於  
吾聖之教則邪風俗儀制不無少異耳心同  
理同故也

大哉聖人困而能施貴而不驕高而不滿衰而  
能勤榮而能屈淨而長往窮神知化復命歸真  
此言聖人之德見於身者有如此明武宗皇  
帝評論諸教謂侍臣曰儒者之學雖可以開  
物成務而不能窮神知化佛老之學似類窮  
神知化而不能復命歸真然諸教之道皆各

執一偏、惟清真、真認主之教、深原正理、此所以垂教萬世、與天壤久也。

明非日月所照者遠、恩非雨露所澤者深、壽莫  
極於鐘格馬尼、富莫極於蘇來馬尼、道莫極於  
吾聖之道、與天壤久、與日月光、雖教有殊塗、下愚不移、或玳瑁  
剖玉、盡地而止、若病及膏肓、其何傷於日月之  
明。

此言聖人之化、被於橫豎上下者如此。

迄今千載而下率土東西遵聖人之化見其  
女正長幼序貴賤分親疎別君義臣行父慈子  
孝兄寬弟忍夫和婦順師嚴道尊篤忠信禁姦  
詭助喪問病息訟解爭顧愛親戚和睦隣里恤  
孤弱憫困貧刑罰不設盜賊不興盡地而禁道  
不拾遺

此言聖人之化見於倫常日用之間者如此  
大哉聖人功同天地之能道冠人神之表宜其  
滲滲流波毫光侵斗

滲滲泉名在墨克城內克而白前靈器殿後  
右稱仙泉其水清冽甘香能祛諸邪愈百病  
更能息颶風海舟多取之遇風浪洒之頃息  
蓋聖人感應之道也聖人墳塚乃天生祖母  
祿寶石爲之縱廣六尺餘塚上毫光日夜侵  
雲而起可望百里之外蓋聖人道德之徵也  
可謂至矣可謂至矣噫微聖人吾將安歸微聖  
人穆民安歸

天下之歸聖人若百川之歸海也歸之者爲

正爲順、不歸之者、爲迷、爲逆、噫、若而人、吾不  
能觀其光、幸而服其教、不能至其國、幸而蒙  
其化、聖人往耶、未往耶、聖國遠耶、不遠耶、

全至聖實錄卷之十七終